

Evening Dogri (NSD) Bulletin 06-11-2024

1 अमरीका दे रिपब्लिकन पार्टी दे मेदवार डोनाल्ड ट्रम्प नै राष्ट्रपति चुनाs च शानदार जित हासल कीती। प्रधानमंत्री नरेंद्र मोदी होरें उनेंगी ममारकबाद ते शुभकामना दितियां न।

2 केंद्री मंत्रीमंडल नै विद्या लक्ष्मी स्कीम गी मंजूरी दिती। काबल बच्चें गी पढ़ाई लेई दोआर बिजन जमानत उपलब्ध कराया जाग।

3 झारखंड ते महाराष्ट्र च चुनां प्रचार तेज, सब्बे दल मतदाताएं गी अपने पक्खें च करने लेई पूरी टिल्ल ला करदे न।

4 नीति आयोग नै जल प्रबंधन संरक्षण ते सतत उपलब्धता यकीनी बनाने गितें जागरूकता बधाने लेई 15 दिनें दे जल उत्सव दी शुरूआत कीती।

5 भारत दा 55मां अंतरराष्ट्रीय फिल्मोत्सव 20 नवंबर सवां गोवा च शुरू होग।

<><><><><><>

Trump

अमरीका दे राष्ट्रपति चुनां च डोनाल्ड ट्रम्प नै जित हासल करी लैती ऐ। ट्रम्प नै अपनी हरीफ कमल हैरिस गी पछाड़दे होई जित लेई लोड़चदे 270 इलेक्टरल वोट दे आंकड़े गी पार करी लैता ऐ। ट्रम्प 2016 दे चुनां च जिते हे ते 2020 च हार दा सामना करने दे बाद हून परतिए जेत्तू बनिए आए न। ऐसा 3?132 बरे बाद होआ ऐ जे अमरीका च कोई आदमी दुई बारी राशस्र्पति बनेआ ऐ पर

उन्ने चुनां लगातार नेई जित्तेआ। जित्तने पर अपने भाशण च ट्रम्प होरें आखेआ जे अमरीका नै उनेंगी बेमिसल जनादेश दिता ऐ ते एह अमरीका दा सनैही दौर होग। फ्लोरिडा दे वेस्ट पाम बीच थाह अपने जेत्तू भाशण च ट्रम्प होरें आखेआ जे उंदी एह जित्त अमरीका गी परतियै ठीक करने च मदाद करोग। दुनिया भरै दे केई सारे नेताएं ट्रम्प होरें गी उंदी ऐतिहासिक जित्त पर मुबारकबाद दिती ऐ। अमरीका च कुल 50 राज्य न जिंदे चा किश गी छोड़ियै बाकी दे राज्य हर बारी इक्कै पार्टी दे हक्कै च मतदान करदे न।

<><><><><><>

PM-Trump

प्रधानमंत्री नरेंद्र मोदी होरें अमरीका दे राष्ट्रपति चुनाएं च जित्त पर डोनाल्ड ट्रम्प होरें गी बधाई दिती ऐ। सोशल मीडिया दी इक पोस्ट च प्रधानमंत्री होरें आखेआ जे ट्रम्प हुंदी ऐतिहासिक जित्त दे कन्नै उनें भारत ते अमरीका दी रणनीतिक सांझ-भ्याली तगड़ी करने च सैहयोग दी हीखी लाई दी ऐ। श्री मोदी होरें वैश्विक शांति, स्थिरता ते समृद्धि गी बढ़ावा देने ते दौनें देसं दे लोकें दे हितै च किट्ठे रलियै कम्म करने दी बचनबद्धता जाहर कीती।

<><><><><><>

Cabinet-Decision

सरकार नै काबल विद्यार्थिं गी माली सहायता उपलब्ध करने लेई पी.एम विजय लक्ष्मी योजना गी मंजूरी देई दिती ऐ। कैबिनेट बैठक च लैते गेदे फैसले दे बारे च अज्ज नर्मी दिल्ली च मीडिया गी जानकारी दिंदे होई सूचना ते

प्रसारण मंत्री अश्विनी वैशणव होंरें दस्सेआ जे विद्यार्थी उच्च शिक्षा हासल करने लेई विजन कुसै जमानत दे दोआर लेई सकंगन। उनें आखेआ जे एह योजना इस करिए शुरु कीती गई ऐ तां जे माली तौरा पर कमजोर भारत दा कोई बी नौजवान मयारी उच्च शिक्षा हासल करने च पिच्छे नेई रेही जा।

<><><><><><>

Cabinet-FCI

केंद्री मंत्रीमंडल दी बैठक दे बाद अश्विनी वैशणव होंरें दस्सेआ जे खाने-पीने आहिलएं चीजें दी खरीद च भारतीय खाद्य निगम एफ.सी.आई बड़ी महत्वपूर्ण भूमिका निभा'रदा ऐ। इस करिए अज्जे दी बैठका च इसी होर मजबूत बनाने दा फैसला लैता गेआ ऐ। उनें दस्सेआ जे अज्ज कैबिनेट नै एफ.सी.आई च 10 जहार 700 करोड़ रपे दी नर्मी इक्विटी पूंजी पाने दा फैसला लैता ऐ।

<><><><><><>

Jaishankar

विदेश मंत्री डॉ. एस जयशंकर होंरें अज्ज कैनबरा च आस्ट्रेलिया दे प्रधानमंत्री एंथनी अल्बनीज कन्ने मुलाकात कीती। उनें अल्बनीज होंरें गी प्रधानमंत्री नरेंद्र मोदी हुंदी तरफा शुभकामनां दितियां। विदेश मंत्री नै इक्क शोशल मीडिया पोस्ट च गलाया जे भारत ते आस्ट्रेलिया दी व्यापक रणनीतिक सांझेदारी दी मजूदगी लेई प्रधानमंत्री उल्बनीज हुंदा मार्गदर्शन महत्वपूर्ण ऐ। डॉ. जयशंकर होंरें भारत आस्ट्रेलिया संसदीय मैत्री दे सदस्ये कन्ने बी मलाटी कीती। डॉ. जयशंकर होंरें कैनबरा च न्यूजीलैंड दे विदेश मंत्री विन्सटन पीटर्स हुंदे कन्ने बी बैठक कीती।

<><><><><><>

Winter Session

संसद दा स्याले आहला इजलास 25 नवंबर गी शुरू होआ रदा ऐ जेहड़ा 20 दिसंबर तोड़ी जारी राँहग। संसदीय मामलें दे मंत्री किरण रिजिजू होरें अपनी इक सोशल मीडिया पोस्ट पर जानकारी दिती ऐ जे 26 नवंबर गी संविधान दिवस दी 75मीं बरे गंड दे सिलसिले च संविधान सदन दे केंद्री कक्ष च इक कार्यक्रम दा आयोजन कीता जाग। 26 नवंबर 1949 गी भारत दी संविधानसभा नै संविधान गी अपनाया हा ते 26 जनवरी 1950 गी इसी लागू कीता गेआ हा।

<><><><><><>

Jharkhand-Maharashtra

झारखंड ते महाराष्ट्र च चुनां प्रचार होर तेज होई गेआ ऐ। झारखंड च राष्ट्रीय जनतांत्रिक गठबंधन ते आई.एन.डी.आई गठबंधन दे नेताएं अपने-अपने मेदवारें दे हक्कै च चुना प्रचार तेज करी दिता ऐ। झारखंड च बीजेपी दे चुनां प्रभारी शिवराज सिंह चौहान नै झारखंड मुक्ति मोर्चा ते कांग्रेस पर आरोप लांदे होई आखेआ जे दौनें पार्टिएं झूठे वादे करिए राज्य दे लोकें कन्नै धोखा कीता ऐ। दुई बकखी जनगनाथ विधानसभा क्षेत्र दे छोटा नागरा च जनसभा गी संबोधित करदे होई झारखंड मुक्ति मोर्चा दे वरिष्ठ नेता ते मुखमंत्री हेमंत सोरेन नै दोश लाया जे बीजेपी नै उनेंगी ओहदे परा हटाने दी साजश कीती। लोकसभा च

विपक्ष दे नेता ते कांग्रेस दे सीनियर लीडर राहुल गांधी होरें अज्ज नागपुर ते मुम्बई च चुनां रैलिंगं गी संबोधित कीता।

<><><><><><>

Rajnath-By election

राजस्थान दिएं 7 सीटें पर 13 नवंबर गी होने आहले उपचुना लेई प्रचार तेज होई गेआ ऐ। इंदे चा 5 सीटां दौसा, देवली, उनियारा, झुंझुनू, चौरासी ते खींवसर विधायकें दे सांसद चुने जाने कारण खाली होई गेदियां न। जिसले जे सलूंबर ते रामचढ़ सीटां विधायकें दी निधन दे कारण खाली होई दियां न। इस उपचुना लेई कुल 69 मेदवार चुनां मदान च न।

<><><><><><>

NITI-Ayog Jal Utsav

नीति आयोग जल प्रबंधन संरक्षण ते निरंतरता दे बारै च जागरूकता ते संवेदनशीलता पैदा करने लेई अज्ज 15एं दिनें दे जल उत्सव गी शुरू करोग। एह अभियान प्रधानमंत्री नरेंद्र मोदी हुंदे इस विचार कन्नै प्रेरित ऐ जे 'नदी उत्सव' दी तर्ज उप्पर 'जल उत्सव' बी मनाया जाना लोड़चदा। मोदी होरें पिछले साल दिसंबर च आयोजित त्रीए सचिव सम्मेलन च एह गल्ल आकखी ही। नीति आयोग नै इक वक्तव्य च आखेआ जे जल उत्सव 6 थमां 24 नवम्बर दे दौरान 20 आकांक्षी जिलें ते ब्लॉकें च मनाया जाग।

<><><><><><>

UP-Accident

उत्तर प्रदेश दे हरदोई जिले च इक ट्रक नै आटो गी टक्कर मारी दिती जेदे च 6 महिलाएं ते 3 बच्चें सने घट्टोघट्ट 10 लोकें दी मौत होई गई ऐ। प्रधानमंत्री नरेंद्र मोदी होरें हादसे पर गैहरा दुख प्रगट करदे होई मरने आहलें दे परोआर गी 2-2 लकख रपे दी सिंधी सहायता दा ऐलान कीता ऐ।

<><><><><><>

J&K Assembly

जम्मू-कश्मीर विधानसभा नै केंद्र शासित प्रदेश लेई विशेष दर्जे ते संवैधानिक गरंटिएं दी मंग आहला इक प्रस्तास पास कीता। अज्ज बड्डलै जि'आं गै सदन दी बैठक लग्गी तां उप-मुख्यमंत्री सुरिंद्र चौधरी होरें एह प्रस्तास सदन च रक्खेआ। इस प्रस्तास च सदन अग्गे एह मंग बी कीती गई ऐ जे ओह केंद्र सरकार गी गुजारश करै जे ओह विशेष दर्जा ते संविधानिक गरंटिएं गी ब्हाल करने लेई जम्मू-कश्मीर च लोकें आसेआ चुने गेदे नुमाइंदें कन्नै गल्लबात शुरू करै ते इनें प्रावधानें गी ब्हाल करने ताई संवैधानिक बवस्थाएं पर कम्म करै। जि'आं गै एह प्रस्तास सदन च रक्खेआ गेआ। बीजेपी दे सुनील शर्मा हुंदी अगुवाई च विपक्ष नै एहदा बरोध शुरू करी दिता ते आखेआ जे एह प्रस्तास सदन दे कम्मकाज दा हिस्सा नैई ऐ हा। बरोध दे चलदे गै स्पीकर होरें इस प्रस्तास लेई ध्वनिमत कन्नै वोटिंग कराई ते सदन नै इसगी पास करी दिता। जारी हंगामें गी दिखदे होई स्पीकर होरें सदन दी कार्रवाई गी दिन भरै लेई स्थगित करी दिता। ध्यानजोग ऐ जे संसद नै 5 अगस्त 2019 गी दफा-370

गी खत्म करी दिता हा जेहदे तैहत जम्मू-कश्मीर गी विशेष दर्जा ते अखितयार थहोए दे हे।

<><><><><><>

Omar-Resolution

मुखमंत्री उमर अब्दुल्ला होरें आखेआ ऐ जे जम्मू-कश्मीर दे विशेष दर्जे दी बहली लेई केंद्र सरकार ते जम्मू-कश्मीर च लोकें आसेआ चुने गेदे नुमाइंदें बशकार गल्लबात दी मंग आहला प्रस्ताव पास करियै विधानसभा नै अपना कम्म करी दिता ऐ। इस प्रस्ताव च जम्मू-कश्मीर दा विशेष दर्जा इकतरफा हटाए जाने पर चैता बुज्झी गेददी ऐ। इस प्रस्ताव गी बिजन कुसै चर्चा दे ध्वनि मत कन्नै गै पास करी दिता गेआ।

<><><><><><>

BJP

भारती जनता पार्टी दी जम्मू-कश्मीर इकाई नै जम्मू-कश्मीर दे विशेष दर्जे दी बहली बारै अज्ज संसद आसेआ पास कीते गेदे प्रस्ताव दी निंदआ लेई बरोध प्रदर्शन कीता। इस प्रस्ताव च जम्मू-कश्मीर दे विशेष दर्जे दी बहली लेई केंद्र सरकार ते प्रदेश दे चुने गेदे नुमाइंदें बशकार गल्लबात दी मंग कीती गेदी ऐ। पार्टी दे प्रदेश प्रधान सत शर्मा हुंदी अगुवाई च बीजेपी कार्यकर्ताएं दे इक समूह नै त्रिकुटा नगर च पार्टी हैडक्वार्टर दे बाहर धरना-प्रदर्शन कीता। इस मौके पर उनें मुखमंत्री उमर अब्दुल्ला ते उपमुखमंत्री सुरिंद्र चौधरी हुंदे पुतले फूके ते

नेशनल कांफ्रेंस दी अगुवाई आहली जम्मू-कश्मीर सरकार दे खलाफ नारेबाजी बी कीती।

<><><><><><>

Goa File Fest.

भारत दा 55मां अंतरराष्ट्रीय फिल्मोत्सव 20 नवंबर सवां गोवा च शुरू होआ करदा ऐ। 9 दिनें तोड़ी चलने आहले इस महोत्सव च फिल्म बजार दा 18मां संस्करण बी शामिल होग जेड़ा जे 25 नवंबर गी सम्पन्न होग। एहदे अलावा महोत्सव 28 नवंबर तोड़ी चलोग। सूचना ते प्रसारण मंत्रालय नै दस्सेआ ऐ जे फिल्मोत्सव 2024 च फिल्म बजार व्यूइंग रूम च 208 फिल्में दा प्रदर्शन कीता जाग। ऐकती व्यूइंग रूम च भारत ते दक्खन एशिया दिएं फिल्में दा प्रदर्शन कीता जाग। एह फिल्म निर्माताएं गी वैश्विक फिल्म प्रोग्रामर, वितरक, बिक्री एजेंट ते निवेशकें कन्नै जुड़ने दा बी मौका थहोग।

<><><><><><>

Shardha

मन्नी-परमन्नी दियां लोक गायिका शारदा सिन्हा हुंदा कल रातीं नमीं दिल्ली च काल होई गेआ। ओह 72 बरे दियां हियां ते पिछले किश बरें थमां एम्स थमां इलाज करा'रदियां हियां। बिहार कोकिला नां थमां लोकप्रिय शारदा सिन्हा होरें गी पदमश्री, पदम भूषण ते संगीत नाटक अकादमी पुरस्कार सने केई होर सम्मान कन्नै नवाजेआ गेदा ऐ। प्रधानमंत्री नरेंद्र मोदी होरें सोशल मीडिया पोस्ट च गलाया जे उंदे गाए गेदे छठ गीतें दी मधुर अवाज भक्ति दा इक्क

दिव्य माहौल बनाई दिंदी ऐ। गृह मंत्री अमित शाह होरें आखेआ जे इस छठ पूजा उप्पर उंदी अवाज पक्के तौरा पर श्रद्धालुएं गी भावुक करी देग।

<><><><><><>

Day Delhi-Pollution

राष्ट्रीय राजधानी क्षेत्र दिल्ली एनसीआर च बहाऊ दी गुणवत्ता च गिरावट उप्परोतली जारी ऐ। अज्ज शामी बहाऊ दी गुणवत्ता सूचकांक AQI 352 तगर पुज्जी गेआ। दिल्ली दे केई हिस्सें च धुंध दी इक पतली परत छाई रौहने कारण बहा दी गुणवत्त बड़ी खराब दर्जे दी बनी दी ऐ जेदे कारण लोकें गी सेहत सरबन्धी केई दिक्कतें दा सामना करना पवा रदा ऐ।

<><><><><><>

Maldives-Economy

मालदीवज दी अर्थ बवस्था लेई चुनौतियां बरोबर बनी दियां न। उत्थे मौद्रिक प्राद्यिकरण नै 2024 दी दुई तिमाही च बी आर्थिक मंदी दी जानकारी दिती ऐ। प्राद्यिकरण दा आखना ऐ जे मुल्खे दी विकास दर घटिए साइडे 4 प्रतिशत रेही गेदी ऐ जेहड़ी जे पैहली तिमाही च 7 इशारिया 7 प्रतिशत ही।

<><><><><><>

Chhath-Pooja

लोक आस्था दे महापर्व छठ गी दिल्ली समेत देसै दे बक्ख-बक्ख हिस्सें च पारम्परिक श्रद्धा ते उत्साह कन्ने मनाया जारदा ऐ। चार दिनें दे इस पर्व दे

दुए रोज अज्ज “खरना”6 दी रस्म अदा कीती जारदी ऐ जेदे तैहत महिला बिजन किश खादे पीते वर्त रखदियां न ते सूरज गरूब होने दे बाद छठ माता गी दुध ते चौलें दी बनी दी खीर, गुड़ दा भोग लाने दे बाद प्रसाद ग्रैहण करदियां न ते औदे बाद 36 घंटें दा निर्जल निराहार वर्त रखदियां न।

<><><><><><>

Panama-Raina

अमरीका दे किश इलाकें च हाल च पेदी भारी बरखें कारण पनामा च दऊं बच्चें सने 5 लोकें दी मौत होई गई ऐ। राश्ट्रीय नागरिक सुरक्षा प्रणाली नै जानकारी दिती ऐ जे 4 जनें दी मौत डुबबने कारण ते इक्क दी मौत पहाड़ै पर पस्सी पौने कारण होई ऐ। खराब मौसम दे चलदे पनामा दे शिक्षा मंत्रालय नै अज्ज मुल्ख भरै च सार्वजनिक ते निजी स्कूलें च छुट्टी कीती दी ऐ।

<><><><><><>

SAR

जम्मू-कश्मीर सरकारै मलाजमें दी कारकरदगी दी निगरानी आहली प्रणाली- ई.पी.एम दे तैहत जुलाई शा सितंबर तगर दी त्रीs तिमाही लेई सेल्फ असिस्टेंट रिपोर्ट यानि आपूं अपनी कारकरदगी दे आंकलन आहली रिपोर्ट जमा कराने दी खीरी तरीक बधाइयै 15 नवंबर करी दिती ऐ। मलाजमें आसेआ इत सरबंधै च कीती गेदी गुजारशें दे मददेनजर एह फैसला लैता गेआ ऐ। सरबंधत रिपोर्टिंग अफसरें पासेआ इनें रिपोर्टें दे जायजें दी खीरी तरीक हून 25 नवंबर मुकरर कीती गई ऐ। इस बारै जारी हुकमै च कमिशनर सैक्रेटरी संजीव वर्मा होरें

आखेआ ऐ जे बक्ख-बक्ख वजहें करी केईं सारे मलाजम अक्तूबर दे अखीरें तोड़ी अपनी जायजा रिपोर्ट दाखल नेईं करी सके न जिस करी हून एहदी खीरी तरीक गी बधाइयै 15 नवंबर करी दिता गोआ ऐ। हुकमै च इब्बी आखेआ गोआ ऐ जे सब्बै प्रशासनिक विभाग ई.पी.एम सरिस्ते पर मलाजमें आसेआ तिमाही रिपोर्टा दर्ज करने दे कम्मै दी नियमित निगरानी करडन।

<><><><><><>

Army

देश गी आत्मनिर्भर बनाने दे हीलें गी अग्गे बधांदे होई भारतीय सेना नै अपने उत्तरी कमान च 550 अस्मी मशीन पस्तोलें गी शामिल कीता ऐ। इनें पस्तौलें गी भारतीय सेना दे कर्नल प्रसाद बनसोद होरें रक्षा अनुसंधान ते विकास संगठन-डी.आर.डी.ओ दी सांझ-भ्याली कन्नै तैयार कीते दा ऐ। भारत च तैयार होए दे एह हथियार सेना दी आत्मनिर्भर भारत अभियान दी बता च महत्वपूर्ण गेंह ऐ। एहदे राएं भारत गी रक्षा निर्माण दे क्षेत्र च होर अग्गे बधने दा इक्क मौका थहोआ ऐ।

<><><><><><>